



Podrška Europske unije
borbi protiv korupcije u BiH



JAVNI POZIV JAVNIM ZDRAVSTVENIM USTANOVAMA U BiH ZA UČEŠĆE U PROJEKTU „IZLIJEČIMO ZDRAVSTVO“

Transparency International u Bosni i Hercegovini (TI BiH) i Centri Civilnih Inicijativa (CCI) pozivaju javne zdravstvene ustanove u BiH da uzmu učešće u projektu „Izliječimo zdravstvo“ u okviru kojeg će se raditi na jačanju kapaciteta javnih zdravstvenih ustanova u prevenciji i borbi protiv korupcije u zdravstvenom sektoru.

TI BiH u saradnji sa CCI, i finansijsku podršku Europske unije, provodi projekat „Izliječimo zdravstvo“ koji ima za cilj uspostavljanje sistemskih rješenja u prevenciji i borbi protiv korupcije u zdravstvenom sektoru u BiH, sa posebnim fokusom na oblasti: javne nabavke, finansijsko upravljanje, sukob interesa i upravljanje ljudskim resursima. U okviru projekta, planirana je uspostava saradnje sa 15 javnih zdravstvenih ustanova na teritoriji BiH, sa kojima će TI BiH i CCI sarađivati na utvrđivanju rizika i izradi i/ili izmjeni internih antikorupcijskih politika u navedenim prioritetnim oblastima. U cilju ostvarenja što učinkovitije saradnje, u okviru svake zdravstvene ustanove zamišljeno je formiranje timova koji će direktno raditi sa projektnim timom u procjeni rizika od korupcije i razvoju internih akata i postupaka za sprječavanje korupcije. U navedenom periodu, TI BiH i CCI planiraju vršiti edukacije za predstavnike zdravstvenih ustanova u prioritetnim oblastima, koje će biti usmjerene na unapređenje znanja i jačanje kapaciteta odabranih ustanova, te razmjenu znanja i iskustava između samih zdravstvenih ustanova.

Usvajanjem internih akata i procedura u rizičnim oblastima odabrane zdravstvene ustanove će uspostaviti najbolje prakse u pogledu standarda transparentnosti i integriteta kako bi se osigurala učinkovita prevencija korupcije.

Pravo prijave na Javni poziv za učešće u projektu „Izliječimo zdravstvo“ imaju javne zdravstvene ustanove koje ispunjavaju sljedeće uslove:

1. Jasno opredjeljenje o namjeri predstavnika javne zdravstvene ustanove da učestvuje u identifikiranju rizika od korupcije, izradi internih akata i njihovom usvajanju, te da će u budućnosti raditi na implementaciji istih;
2. Da posjeduju web stranicu i da je ista redovno ažurirana;
3. Delegiranje i imenovanje predstavnika za učešće na 15 planiranih radionica koje će se održati prema naknadno usaglašenom rasporedu.

Kriteriji za izbor i ocjenu prijave:

- da javna zdravstvena ustanova ispunjava gore navedene uslove;
- da javna zdravstvena ustanova izražava zainteresovanost za učešće u projektu;
- broj stanovnika koje javna zdravstvena ustanova pokriva u pružanju usluga;



Podrška Europske unije
borbi protiv korupcije u BiH



- geografska rasprostranjenost ustanova i obim usluga koje pružaju u okviru svog djelovanja.

Napomena: Obrazac za prijavu nalazi se u prilogu ovog Javnog poziva, kao i na web stranici www.ti-bih.org.

TI BiH će snositi sve troškove organizacije radionica, konsultacija i sastanaka prilikom identificiranja rizika od korupcije, kreiranja i uspostavljanja internih akata i procedura, te kontinuirano pružati podršku odabranim javnim zdravstvenim ustanovam kroz implementaciju istih.

Javni poziv ostaje otvoren 20 dana od dana objavljivanja na web stranici TI BiH (www.tibih.org). Prijave sa naznačenim nazivom, kontaktima i naznakom: *PRIJAVA ZA UČEŠĆE U PROJEKTU „IZLIJEČIMO ZDRAVSTVO“* je potrebno dostaviti na adresu: **Transparency International u BiH, Mula Mustafe Bašeskije 9/1, 71000 Sarajevo ili na e-mail adresu lhodzic@ti-bih.org.** Kontakt osoba je Lejla Hodžić.

Nakon isteka roka za prijave samo odabrane javne zdravstvene ustanove će biti kontaktirane (najkasnije do 25. augusta 2019. godine). TI BiH će naknadno sa izabranim javnim zdravstvenim ustanovama utvrditi detalje i korake u realizaciji projekta, kao što su definisanje obaveza jedne i druge strane, imenovanje kontakt osoba, plan radionica, te način saradnje i izvještavanja o aktivnostima.